



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ
ԵՎ ԱՇԽԱՏԱՆՔԻ ՏԵՍԶԱԿԱՆ ՄԱՐՄԻՆ
ՂԵԿԱՎԱՐ**

N 06 / 14178 - 2023
«26» հունիսի 2023թ.

0047 ՀՀ Երևան, Նորք-Մարաշ, Ա. Արմենակյան 129
☎ (374-10) 65-05-53, 65-03-05
Էլ. փոստ info@hlib.am

ՈՐՈՇՈՒՄ W 1661

ԹԻՎ Վ/Դ-221 ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետով և հիմք ընդունելով փաստաբաններ Հովսեփ Դավթյանի և Ալեքսանդր Ծատինյանի կողմից ստացված Վարուժան Պետրոսյանի աշխատանքի վայրում դժբախտ դեպքի հետևանքով հատուցման ենթակա գումարների չվճարման վերաբերյալ 2023 թվականի հունիսի 03-ին էլեկտրոնային հարցումների միասնական հարթակ ներկայացված թիվ հ.830647 դիմումը՝ մուտքագրված Հայաստանի Հանրապետության առողջապահական և աշխատանքի տեսչական մարմին (այսուհետ նաև՝ Տեսչական մարմին) 2023 թվականի հունիսի 05-ին թիվ Մ-5912-2023 համարով, Տեսչական մարմնում 2023 թվականի հունիսի 05-ին հարուցվել է թիվ Վ/Դ-221 վարչական վարույթը՝ «ԱՐՄԵՆԻԱՆ ՔԱՓԸՐ ՓՐՈԳՐԱՄ» փակ բաժնետիրական ընկերության (ՀՎՀՀ՝ 06605968) կողմից ՀՀ աշխատանքային օրենսգրքի 202-րդ, 212-րդ, 235-րդ և 236-րդ հոդվածներով նախատեսված պահանջների պահպանումը պարզելու նպատակով:

Վարչական վարույթի ընթացքում ձեռք բերված փաստաթղթերի, ինչպես նաև «ԱՐՄԵՆԻԱՆ ՔԱՓԸՐ ՓՐՈԳՐԱՄ» փակ բաժնետիրական ընկերության կողմից ներկայացված փաստաթղթերի ուսումնասիրությունից պարզվեց, որ ՀՀ սնանկության դատարանը 2020 թվականի ապրիլի 30-ին թիվ ՍնԴ/0555/04/20/ գործով կայացրել է վճիռ «ԱՐՄԵՆԻԱՆ ՔԱՓԸՐ ՓՐՈԳՐԱՄ» փակ բաժնետիրական ընկերությունը սնանկ ճանաչելու վերաբերյալ և հաստատել է պարտապանների ցուցակը, որի «այլ» բաժնի 3-րդ, 347-րդ տողում գրված է Վարուժան Պետրոսյանի



ՀՀ ԱՌՈՂՋԱՊԱՀԱԿԱՆ և ԱՇԽԱՏԱՆՔԻ
ՏԵՍԶԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107

անունը որպես պարտատեր, «Արմենիան Քափըր Փրոգրամ» փակ բաժնետիրական ընկերության նկատմամբ դատարան ներկայացված պահանջների վերջնական ցուցակում՝

- 268. Վարուժան Հայկի Պետրոսյան 300.923 ՀՀ դրամ 82-րդ հոդված 1-ին մասի բ) հերթ չապահովված

- 441. Վարուժան Հայկի Պետրոսյան 392.750 ՀՀ դրամ 82-րդ հոդված 1-ին մասի գ) հերթ չապահովված

- 442. Վարուժան Հայկի Պետրոսյան 39.275 ՀՀ դրամ 82-րդ հոդված 1-ին մասի դ) հերթ չապահովված:

Սնանկության գործերով կառավարիչ Արմենակ Էլոյանին Տեսչական մարմնի կողմից 2023 թվականի հունիսի 06-ին ուղարկվել է թիվ 17/12483-2023 գրությունը: 2023 թվականի հունիսի 19-ին «ԱՐՄԵՆԻԱՆ ՔԱՓԸՐ ՓՐՈԳՐԱՄ» փակ բաժնետիրական ընկերության տնօրեն Սահակ Կարապետյանը Տեսչական մարմին է ներկայացրել 2023 թվականի հունիսի 06-ի թիվ 17/12483-2023 գրության պատասխան, որով հայտնել է ՀՀ սնանկության դատարանի (այսուհետ նաև՝ Դատարան) վարույթում գտնվող թիվ ՍնԴ/0555/04/20 սնանկության գործով Դատարանի 30.04.2020 թվականի վճռով «ԱՐՄԵՆԻԱՆ ՔԱՓԸՐ ՓՐՈԳՐԱՄ» փակ բաժնետիրական ընկերությունը ճանաչվել է սնանկ: Դատարանի 18.02.2021 թվականի «Թիվ ՍնԴ/0555/04/20 սնանկության գործով առողջացման ծրագիրը հաստատելու մասին» որոշմամբ հաստատվել է թիվ ՍնԴ/0555/04/20 սնանկության գործով սնանկ ճանաչված «ԱՐՄԵՆԻԱՆ ՔԱՓԸՐ ՓՐՈԳՐԱՄ» փակ բաժնետիրական ընկերության առողջացման ծրագիրը, որի շրջանակում 2022 թվականի հունվար-հոկտեմբեր ժամանակահատվածում մարվել են «Սնանկության մասին» ՀՀ օրենքի 82-րդ հոդվածի 1-ին մասի «բ», «գ» և «դ» կետերով սահմանված հերթերում հաշվառված բոլոր պահանջները, այդ թվում՝ Վարուժան Հայկի Պետրոսյանի պահանջները:

Սնանկության կառավարիչ Արմենակ Էլոյանը 2023 թվականի հունիսի 21-ին Տեսչական մարմին է ներկայացրել Մ-6742-2023 գրությունը, որով ուղարկել է Վարուժան Հայկի Պետրոսյանին վճարումը հավաստող փաստաթղթեր, ըստ որոնց 2021 թվականին դեկտեմբերի 02-ին վճարվել է 300923 (երեք հարյուր հազար ինը

հարյուր քսաներեք) ՀՀ դրամ, 2022 թվականի հունիսի 04-ին 79804 (յոթանասունինը հազար ութ հարյուր չորս) ՀՀ դրամ, 2022 թվականի նոյեմբերի 18-ին՝ 39275 (երեսունինը հազար երկու հարյուր յոթանասունհինգ) ՀՀ դրամ, 2022 թվականի հոկտեմբերի 29-ին՝ 247260 (երկու հարյուր քառասունյոթ հազար երկու հարյուր վաթսուն) ՀՀ դրամ:

Առկա է 2022 թվականի օգոստոսի 18-ին Տեսչական մարմնի կողմից կայացված վարչական ակտ՝ «ԹԻՎ 190722-816 ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ» թիվ 0951 որոշումը, որը չի բողոքարկվել և մտել է ուժի մեջ:

Համաձայն «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 1-ին մասի «գ» կետի՝ դիմումով հարուցված վարչական վարույթը կարճվում է, եթե գոյություն ունի միևնույն անձի, միևնույն առարկայի վերաբերյալ և միևնույն հիմքերով ուժի մեջ մտած վարչական կամ դատական ակտ:

Ելնելով վերոգրյալից, հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 1-ին մասի «գ» կետը, 3-րդ մասը, ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 19-րդ կետի 13-րդ ենթակետը՝

ՈՐՈՇՈՒՄ ԵՄ

1. Փաստաբաններ Հովսեփ Դավթյանի և Ալեքսանդր Ծատինյանի կողմից ստացված Վարուժան Պետրոսյանի աշխատանքի վայրում դժբախտ դեպքի հետևանքով հատուցման ենթակա գումարների չվճարման վերաբերյալ դիմումի հիման վրա ՀՀ առողջապահական և աշխատանքի տեսչական մարմնում 2023 թվականի հունիսի 05-ին հարուցված թիվ Վ/Դ-221 վարչական վարույթը կարճել՝ միևնույն անձի, միևնույն առարկայի վերաբերյալ և միևնույն հիմքերով ուժի մեջ մտած վարչական ակտ գոյություն ունենալու հիմքով:

2. Սույն վարչական ակտն ուժի մեջ է մտնում վարույթի մասնակիցներին իրազեկելուն հաջորդող օրվանից:


3. Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի

տեսչական մարմին, ինչպես նաև ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:

Սույն վարչական ակտը ենթակա է ծանուցման «ԱՐՄԵՆԻԱՆ ՔԱՓԸՐ ՓՐՈԳՐԱՄ» փակ բաժնետիրական ընկերության տնօրեն Սահակ Պետրոսյանին (հասցե՝ ՀՀ, Կոտայքի մարզ, Աբովյան համայնք, 3-րդ միկրոշրջան, շենք 14, բնակարան 39) և դիմումատուներ՝ Հովսեփ Դավթյանին և Ալեքսանդր Ծատինյանին (ՀՀ, Լոռու մարզ, համայնք Ալավերդի, Թումանյան փողոց, 8 «ՓԱՍՏԱԲԱՆԱԿԱՆ ԾԱՌԱՅՈՒԹՅՈՒՆ», էլեկտրոնային փոստ՝ hovsep.davtyan.7@gmail.com):

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝

26.06.2023

X 

ՍԼԱՎԻԿ ՍԱՐԳՍՅԱՆ

Подписано: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ

2023 թվականի հունիսի 26

Երևան